

NEWSLETTER

OLIMPIJSKOG KOMITETA BiH



No. 24, maj/jun 2024



Dragi sportaši i sportski radnici,
Dragi prijatelji,

Olimpijski odbor Bosne i Hercegovine je u protekla dva mjeseca realizirao projekte Seminar sportske medicine, specijalna partnerstva u okviru Stolačkog cenera i Run 4 Falcons, te proslavu internacionalnog dana Olimpizma - Olympic Day 2024, koji je održan u prelijepom ambijentu Golf terena Forest Creek u Zavidovićima. Ozvaničili smo i stipendiranje osam vrhunskih sportaša za Zimske olimpijske igre Milano Cortina 2026. U svibnju mjesecu je završena kampanja "Glas sportaša" koja je jedno od naših zajedničkih djelovanja sa sportašima i savezima u cilju sustavnog rješenja financiranja vrhunskog sporta u Bosni i Hercegovini. OO BiH je kampanju otpočeo još krajem 2022. godine organiziranjem Okruglog stola na

navedenu temu, te od tada nastavlja rad i djelovanje ka postizanju cilja - implementaciji zaključaka Okruglog stola koji bi bili značajan iskorak za cjelokupan sportski sistem Bosne i Hercegovine. U prostorijama OO BiH smo realizirali nekoliko medijacija u cilju potpore sportskim savezima BiH u njihovim naporima da prevaziđu poteškoće, a sa ciljem jačanja sportskog sistema BiH.

I pored aktivnog projektnog perioda, osnovni prioritet Olimpijskog odbora BiH su XXXIII ljetne olimpijske igre Pariz 2024. U ovom mjesecu, 26. srpnja gledaćemo spektakularnu Ceremoniju otvaranja Igara na kojim će Bosnu i Hercegovinu predstavljati pet sportaša: Lana Pudar (plivanje), Larisa Cerić (džudo), Aleksandra Samardžić (džudo), Mesud Pezer (atletika) i Jovan Lekić (plivanje). Znamo da će naši sportaši dostojno predstaviti zemlju, te sam uvjeren da će tokom svojih nastupa imati ogromnu podršku navijača i publike, kako u BiH, tako i u Parizu tokom takmičarskih dana. OO BiH je naše olimpijce, pored stipendija, dodatno podržao u sklopu Programa+ u njihovim finalnim pripremama pred odlazak na Olimpijske igre kako bi ostvarili svoje najbolje rezultate.

Dragi sportaši, dragi treneri, dragi sportski radnici, nastav ćemo naš rad i aktivnosti usmjerene ka sportašima, savezima i sportskim radnicima sa ciljem omogućavanja što bolje platforme za nastupe naših takmičara, jačanja bh. sportskog sistema i promocije Bosne i Hercegovine kroz sport.

S poštovanjem,

Marijan Kvesić
Potpredsjednik OO BiH

VELIKI DAN ZA OLIMPIJSKI KOMITET BOSNE I HERCEGOVINE

04. juna navršeno 32 godine od osnivanja Olimpijskog komiteta Bosne i Hercegovine!



Osnivačkom skupštinom 04. juna 1992. godine rukovodilo je radno Predsjedništvo u sastavu Ahmed Karabegović, Čedo Gojković i Miroslav Šipek. Za prvog Predsjednika Komiteta izabran je Stjepan Kljuić.

Nakon osnivanja i prvog nastupa sportista naše države na ljetnim Olimpijskim igrama u Barseloni 1992. godine, što je ujedno bila i prva velika pobjeda ljudi odanih sportu, koji su u našoj zemlji u teškom ratnom vremenu sačuvali olimpijsko naslijeđe od totalnog uništenja, 24. septembra 1993. godine u Monaku, OK BiH je zvanično priznat i od strane Međunarodnog olimpijskog komiteta (MOK-a).

OK BiH je potom, 8. decembra 2002. godine upisan u registar Ministarstva pravde kao prva sportska organizacija u koju se udružuju državni sportski savezi. Upisom u ovaj registar, kao i prethodnim potpisom Lozanske deklaracije od 28. jula 1999. godine, konstituisano je krovno sportsko tijelo države Bosne i Hercegovine.

Od 1992. do danas Olimpijski komitet BiH, učestvovao je na mnogobrojnim takmičenjima sa više od 1.500 najboljih sportista. Prve medalje Bosni i Hercegovini donijeli su, na Mediteranskim igrama u Monpeljeu 1993. godine, karatista Eldin Pekmez - bronza, a prve zlatne bokser Almedin Fetahović i košarkašice predvođene Razijom Mujanović.

Pored učešća na međunarodnim višesportskim takmičenjima, OK BiH je kontinuirano radio na mnogobrojnim projektima edukacije sportista i sportskih radnika, stipendiranju vrhunskih sportista, promociji i očuvanju Olimpijskog naslijeđa i Olimpijskih vrijednosti, projektima Evropske unije, organizaciji mnoštva aktivnosti kao i kapitalnim projektima među kojim izdvajamo domaćinstvo EYOF-a 2019, kao i obnovu originalne zgrade Olimpijskog muzeja. Olimpijski komitet BiH će nastaviti predan rad i djelovanje na unaprjeđenju i osnaživanju Olimpijskog pokreta u Bosni i Hercegovini i cjelokupnog bosanskohercegovačkog sportskog sistema.

Prvi Izvršni komitet su sačinjavali istaknuti olimpijci, sportisti i sportski radnici: Mirza Delibašić, Mirsad Fazlagić, Čedo Gojković, Ahmed Karabegović, Dragan Nožica, Ante Raos, Mehmed Sokolović, Miroslav Šipek i Katica Šporer.

Funkciju Predsjednika Olimpijskog komiteta BiH do sada su obnašali: Stjepan Kljuić, Bogić Bogičević, Ahmed Karabegović, Ljiljanko Naletilić, Zdravko Rađenović, prof.dr Nađa Avdibašić - Vukadinović, Siniša Kisić, Marijan Kvesić, akad. prof. dr Izet Rađo i prof. dr Milanko Mučibabić, dok su funkciju generalnog sekretara obnašali: Izudin Filipović, Sejdalija Mustafić i doc. dr Said Fazlagić.

“Neka Olimpijska baklja prati svoj tok kroz vijekove za dobrobit čovječanstva sve vatrenije, hrabrije i čistije...” Pjer de Kuberten

POTPISANI UGOVORI O STIPENDIRANJU ZA ZOI "MILANO-CORTINA 2026"

Najbolji sportisti Bosne i Hercegovine u zimskim sportovima, koji imaju realne šanse za plasman na ZOI "Milano-Cortina 2026" će biti finansijski podržani (stipendirani) od OK BiH i Olimpijske solidarnosti MOK-a.

Sportisti će primati stipendije u mjesečnom iznosu od 937 USD u trajanju od 28 mjeseci, što će u konačnici iznositi ukupno 380.800,00 KM podrške za potencijalne i evidentne kandidate za Zimske olimpijske igre "Milano-Cortina 2026."

Olimpijskim stipendijama će se stipendirati sljedeći sportisti:

Elvedina Muzaferija – alpsko skijanje;
Strahinja Erić – ski trčanje;
Mirza Nikolajev – sankanje;
Tarik Omeragić – brzo klizanje na kratke staze;
Hamza Pleho – sankanje;
Emir Lokmić – alpsko skijanje;
Marko Šljivić – alpsko skijanje.
Sara Plakalović – ski trčanje;

OK BiH će za rezultatski najbolje i one olimpijce koji pretenduju za osvajanje najviših plasmana na olimpijskim igrama, u dogledno vrijeme kao i do sada, formirati dodatnu vrstu pomoći u sklopu „Programa+“.

Dodatna sredstva OK BiH će obezbijediti od društveno odgovornih kompanija - sponzora OK BiH, a to su u ovom trenutku Coca-Cola, BH Telecom, Number1, Lutrija BiH, i drugi.



ODRŽANA 53. GENERALNA SKUPŠTINA EVROPSKIH OLIMPIJSKIH KOMITETA



53. Generalna skupština Evropskih olimpijskih komiteta (EOK) održana je u Bukureštu 6. i 7. juna 2024. godine, a Olimpijski komitet BiH je predstavljao predsjednik, akad. prof. dr Izet Rađo. Skupština je okupila predstavnike olimpijskih komiteta iz čitave Evrope radi razmatranja ključnih pitanja vezanih za razvoj i unapređenje Olimpijskog pokreta u Evropi. Teme su uključivale strategije za promociju sporta, podršku mladim sportistima i unapređenje sportske diplomatije sa posebnim fokusom na predstojeće sportske događaje. Tokom Skupštine je potvrđeno da će Istanbul biti grad domaćin Evropskih igara 2027. godine, te Brašov kao domaćin Zimskog EYOF-a i Lignano Sabbiadoro kao domaćin Ljetnjog EYOF-a 2027.

Godišnja Generalna skupština EOK-a predstavlja važan forum za donošenje odluka i jačanje saradnje među evropskim olimpijskim organizacijama.

OLIMPIJSKI KOMITET BOSNE I HERCEGOVINE POSTAO ČLAN EVROPSKE SPORTSKE NEVLADINE ORGANIZACIJE (ENGSO)

U periodu od 14. do 16. juna održala se Generalna skupština ENGSO u Beču, na kojoj je, jednoglasnom odlukom, Olimpijski komitet BiH primljen u punopravno članstvo. Predsjednik ENGSO-a, Stefan Berg je poželio dobrodošlicu svim novim članovima i čestitao na sjajnom radu.

ENGSO okuplja 38 članica iz 34 zemlje, od kojih je u članstvu 20 Olimpijskih komiteta te ostalih sportskih federacija Evrope. ENGSO ima za cilj umrežavanje sportskih organizacija u Evropi kroz vlastite aktivnosti te kroz rad na EU projektima. ENGSO radi na izazovima sa kojima se suočavaju sportske organizacije u Evropi. Osim aktivne komunikacije i širenja informacija, ENGSO ima vodeću ulogu u predstavljanju masovnog sporta u institucijama Europske unije i Vijeću Evrope.



Pored Olimpijskog komiteta Bosne i Hercegovine, u punopravno članstvo su primljeni i Crnogorski olimpijski komitet, Olimpijski komitet Sjeverne Makedonije, Olimpijski komitet Belgije te Sportski komitet Ukrajine.

Photo copyrights: © Sport Austria/Florian Rogner

SVEUČILIŠTE U MOSTARU I OK BIH POTPISALI MEMORANDUM O SARADNJI

Predsjednik Olimpijskog komiteta BiH prof. dr. Izet Rađo i rektor Sveučilišta u Mostaru prof. dr. sc. Zoran Tomić potpisali su Memorandum o saradnji kojim su ove dvije institucije stvorile pretpostavke za jačanje i unapređenje međusobne saradnje na sportskom i naučnom planu u cilju jačanja platforme za razvoj sportista i dualnih karijera sportista.

Tokom posjete Sveučilištu u Mostaru, pored sjedišta Rektorata, delegacija Olimpijskog komiteta BiH je posjetila i Kampus Sveučilišta u Mostaru gdje je predsjednik OK BiH akademik prof. dr. Izet Rađo održao izuzetno zanimljivo predavanje na temu olimpijskih vrijednosti, organizacije velikih sportskih takmičenja na primjeru Zimskog EYOF-a Sarajevo i Istočno Sarajevo 2019, te misije, vizije i rezultata rada Olimpijskog komiteta BiH.



Rektor Tomić je iskoristio priliku da delegaciji Olimpijskog komiteta BiH prezentira rad i dostignuća Sveučilišta, sportske resurse i infrastrukturu kojom Sveučilište raspolaže kao i ambiciozne planove za budućnost i razvoj ove sportske infrastrukture. Također je razgovarano o potencijalima Grada Mostara, koji su nesumnjivo veliki, da se u dogledno vrijeme kandidira za neko od velikih sportskih ili olimpijskih takmičenja u organizaciji MOK-a ili EOK-a. Ovakva organizacija velikog takmičenja bi bila dodatni motiv za jačanje sportske infrastrukture kako bi Mostar dobio bazen olimpijskih dimenzija, multifunkcionalnu sportsku dvoranu i atletski stadion.

Domaćini delegaciji Olimpijskog komiteta BiH, predsjedniku OK BiH prof. dr. Izetu Rađi, potpredsjedniku OK BiH Marijanu Kvesiću i generalnom sekretaru OK BiH doc. dr. Saidu Fazlagiću su pored rektora Zorana Tomića bili: prorektor prof. dr. sc. Zdenko Klepić, pomoćnik rektora prof. dr. sc. Tomislav Volarić, voditelj ureda Rektora doc. dr. sc. Damir Vasilj, te g-din Dario Pašić i g-din Branislav Stojkić iz Rukometnog saveza BiH.

PREDAVANJE PREDSJEDNIKA OK BIH: ASPEKTI SAVREMENOG MENADŽMENTA U VOĐENJU SPORTSKIH DOGAĐAJA



Tokom posjete Sveučilištu u Mostaru, predsjednik OK BiH, akad. prof. dr. Izet Rađo održao je izuzetno zanimljivo predavanje na temu olimpijskih vrijednosti, organizacije velikih sportskih takmičenja na primjeru Zimskog EYOF-a Sarajevo i Istočno Sarajevo 2019, te misije, vizije i rezultata rada OK BiH.

Na linku [OVDJE](#) poslušajte predavanje predsjednika Olimpijskog komiteta BiH akad. prof. dr. Rađe, koji je istaknuo ključne elemente uspješnog menadžmenta sportskih događaja naglašavajući važnost strateškog planiranja, koordinacije timova i upravljanja resursima.

SPONZOR OK BIH, COCA - COLA PREDSTAVILA REZULTATE STUDIJE O SOCIO-EKONOMSKOM UTJECAJU U BIH

Coca-Cola je TOP partner Međunarodnog olimpijskog komiteta (MOK) već 96 godina, a u Bosni i Hercegovini posluje 55 godina. Ovaj značajan jubilej u 2024. godini obilježen je brojnim aktivnostima.

Izrađena je peta Studija o socio-ekonomskom utjecaju Coca-Cole u Bosni i Hercegovini, koja obrazlaže i dokumentuje doprinos bosanskohercegovačkoj privredi i napretku društva u cjelini tokom 2023. godine.

Predstavljanje rezultata Studije upriličeno je pred predstavnicima relevantnih institucija, vladinog i nevladinog sektora, predstavnicima akademije, poslovnih udruženja, zajednice, poslovnih partnera i medija, u Coca-Colinoj punionici u Hadžićima.



U ime domaćina, prisutne je pozdravila i skupu se obratila generalna direktorica Coca-Cole HBC Adra Dora Strezova Nikolova: „Velika mi je čast da vam poželim dobrodošlicu u ime Coca-Cole. Zadovoljstvo mi je podijeliti danas s vama priču o uspjehu, investicijama i utjecaju u Coca-Coli i na domaćem tržištu. Prošle godine, doprinijeli smo sa 303 miliona KM domaćoj ekonomiji Bosne i Hercegovine. Ovo predstavlja 0.65% BDP-a zemlje. Također smo ponosni poslodavac 271 ljudi iz BiH koje smo zaposlili, a kreiramo i poslove za ostalih 10665 ljudi što predstavlja 0.8% totalne radne snage u zemlji. Kako nastavljamo igrati ključnu ulogu u doprinosu rastu i uspjehu ove divne zemlje, uvjeren sam da će se naš zajednički uspjeh nastaviti i u godinama koje dolaze. Hvala vam mnogo na pažnji i podršci ovim velikim porukama koje dolaze do ljudi širom Bosne i Hercegovine.“

U prezentaciji rezultata vidljivo je da su ulaganja Coca-Cole u projekte bosanskohercegovačke zajednice između 2019. i 2023. godine iznosila 786.000 KM. Samo u 2023. godini Coca-Cola je u zajednicu uložila 174.000 KM: 98.000 KM uloženo je u projekte zaštite okoliša, a 76.000 KM uloženo je u projekte podrške mladima.

OK BiH upućuje iskrene čestitke društveno odgovornoj kompaniji Coca-Cola na ostvarenim rezultatima uz nadu da će nastaviti podržavati sport i vrhunske sportiste BiH.

Više na linku [OVDJE](#).

Coca-Cola Coca-Cola Coca-Cola Coca-Cola

ODRŽAN TREĆI SEMINAR SPORTSKE MEDICINE U ORGANIZACIJI OK BIH

U prostorijama i u organizaciji Olimpijskog komiteta Bosne i Hercegovine, 23.05.2024. godine održan je treći po redu Seminar sportske medicine “Primjeri dobre prakse u sportskoj medicini”, pod pokroviteljstvom Međunarodnog olimpijskog komiteta, a u saradnji sa Internacionalnom akademijom nauka i umjetnosti u Bosni i Hercegovini i pokroviteljstvom Federalnog ministarstva zdravstva.

Treći Seminar sportske medicine predstavlja nastavak aktivnosti uspješne organizacije prethodna dva izdanja, te ima za cilj da unaprijedi platformu sportske medicine, kroz edukaciju i predavanja renomiranih stručnjaka koja su od značaja za rad sa sportistima.

Učesnici Seminara su imali priliku slušati predavanja međunarodnih, regionalnih i domaćih stručnjaka iz oblasti rehabilitacije, prevencije, kao i primjere dobre prakse koji su nezaobilazni i sastavni dio života svakog profesionalnog i vrhunskog sportiste.

Seminar je otvorio Predsjednik OK BiH, akademik prof.dr. Izet Rađo koji se prisutnima obratio u ime cijele olimpijske porodice, sportskih saveza BiH, Predsjedništva i Izvršnog komiteta OK BiH, te u svoje ime naglasivši da je OK BiH uvijek spajao ljude i širio pozitivnu energiju olimpijskih vrijednosti, imajući jedan cilj, a to je bolji svijet i bolji ambijent za bosanskohercegovačke sportiste u njihovim nastojanjima da ostvare vrhunske rezultate.



Seminar sportske medicine je još jedan u nizu projekata koje Olimpijski komitet Bosne i Hercegovine inicira i realizuje u saradnji sa partnerima koji permanentno rade na unapređenju sportskog sistema Bosne i Hercegovine.

Kompletnu vijest pročitajte [OVDJE](#), a predavanja Seminara se mogu poslušati na zvaničnom You Tube kanalu OK BiH na [OVOM LINKU](#).

OLYMPIC DAY 2024 | PROSLAVILI SMO OLIMPIJSKI DAN U ZAVIDOVIĆIMA



“Olympic Day”, dan proslave olimpizma i Olimpijskog pokreta u Bosni i Hercegovini proslavljen je 30. maja u prelijepom ambijentu na golf terenima “Forest Creek Golf Resorta” u Zavidovićima.

Preko 150 učesnika, dječaka i djevojčica osnovnih škola imalo je priliku naučiti i okušati se u devet sportova (golf, košarka, odbojka, rukomet, fudbal, stoni tenis, streljaštvo, karate, badminton), a uz to upoznati i družiti se sa bh. vrhunskim sportistima i olimpijcima.


Prisutnima su se obratili predsjednik OK BiH akad. prof. dr Izet Rađo, gradonačelnik Zavidovića, Hašim Mujanović i Ambasador Francuske u Bosni i Hercegovini, N.J.E. François Delmas.

Olympic Day je svečano otvorio predsjednik OK BiH, akademik prof. dr Izet Rađo, koji je u obraćanju ukazao na globalnu važnost slavljenja Olympic Day-a, koji ima za cilj promociju i implementaciju olimpijskih vrijednosti, prijateljstva, poštovanja i izvrsnosti, kao i ideju bavljenja sportom svih uzrasnih kategorija u užoj i široj zajednici.

U svom obraćanju, Predsjednik OK BiH se zahvalio vlasniku kompleksa “Forest Creek Golf Resorta”, Feridu Mujanoviću za izuzetan doprinos sportu i društvenoj zajednici, kao i vrhunskim sportistima Safetu i Seadu Sušiću, te olimpijcu Jasminu Mrkonji koji su promovisali Zavidoviće i Bosnu i Hercegovinu širom svijeta nastupajući za klubove i reprezentativne selekcije.

Predsjednik OK BiH, akad. prof. dr Izet Rađo se također obratio Ambasadoru Francuske u Bosni i Hercegovini, N.J.E. François Delmas-u kojem se zahvalio na zajedničkim aktivnostima koje OK BiH provodi na pripremama za učešće našeg Olimpijskog tima na OI Pariz 2024, kao i na promociji univerzalnih životnih vrijednosti.





Nakon što je službeno otvoren Olympic Day 2024, bh. olimpijci Elvedina Muzaferija, Emir Lokmić, Nedžad Fazlija, Hamza Alić i Sanja Kusmuk povelu su simboličan olimpijski krug zagrijavanja sa učesnicima čime su otpočele sportske i edukativne aktivnosti proslave olimpizma.

U okviru EU projekta "Sports as value" koji ima za cilj integrirati pozitivne vrijednosti u sportsku praksu i izgraditi jače zajednice kroz sport i promociju vrijednosti EU, predsjednik OK BiH akad. prof. dr Izet Rađo zahvalio se na dolasku predsjedniku Crnogorskog olimpijskog komiteta Dušanu Simonoviću i generalnom sekretaru Igoru Vušuroviću, koji je ujedno zlatni odbojkaški olimpijac („Sidney 2000“).

Nakon riječi zahvale, predsjednik OK BiH je uvažanim gostima i domaćinu uručio prigodne plakete i poklone.

Članovi IK OK BiH su također učestvovali u organizaciji "Olympic Day-a", te su iskoristili priliku da u ugodnom ambijentu održe sjednicu IK OK BiH.

Nakon prelijepog Olimpijskog dana u Zavidovićima, Olimpijski komitet Bosne i Hercegovine će kao i do sada, nastaviti aktivnosti promocije Olimpijskih vrijednosti i olimpizma u cjelokupnoj bh. zajednici i šire.

Video proslave Olimpijskog dana pogledajte [OVDJE](#).

ODRŽAN 4. STOLAČKI CENER



Olimpijski komitet Bosne i Hercegovine i ove godine nastavlja sa projektima "SPECIJALNOG PARTNERSTVA" i jačanja sportskog sistema BiH.

Već četiri godine održava se utrka "Stolački cener" koja okuplja veliki broj učesnika i trkača.

Specijalni partner "Stolačkog cenera", Olimpijski komitet BiH je i ove godine materijalno i organizacijski podržao realizaciju projekta, koji ujedno ima za cilj i promociju olimpijskih vrijednosti (izvršnost, prijateljstvo i poštovanje).

Na do sada najmasovnijem "Stolačkom ceneru" blizu 1000 prijavljenih učesnika, imalo je priliku okušati se u trkama na 10 km i 5 km, dok su najmlađi uživali u dječijoj trci.

Utrku je svečano otvorio predsjednik OK BiH, akad. prof. dr Izet Rađo, koji je ujedno bio i jedan od takmičara "Stolačkog cenera", te je dodijelio nagrade u muškoj konkurenciji.

Ovu veliku i značajnu manifestaciju, također su svojim prisustvom uveličali i NJ. E. Ambasador Velike Britanije u BiH Julian Reilly, te direktor kompanije Medical d.o.o Jasmin Đonko, koji su po završetku utrke najuspješnijim takmičarima dodijelili vrijedne nagrade. OK BiH upućuje čestitke na odličnoj organizaciji četvrtog po redu Stolačkog cenera, uz poruku da će i dalje nastaviti podržavati događaje koji imaju za cilj promociju značaja zdravog života i bavljenja sportom.



ODRŽANO TREĆE IZDANJE “4FALCONS” - TRKA SA PREPREKAMA



Olimpijski komitet Bosne i Hercegovine je u mjesecu maju bio specijalni partner i u sklopu projekta OCR “4Falcons” - trka sa preprekama, koji je održan 18. i 19. maja u Banja Luci. OK BiH je kao Specijalni partner ovogodišnje manifestacije materijalno i organizacijski podržao realizaciju projekta koji ujedno ima za cilj i promociju olimpijskih vrijednosti (izvršnost, prijateljstvo, poštovanje).

U ovogodišnjoj trci “4Falcons” održanoj na tvrđavi Kastel u Banja Luci, preko 800 takmičara se suočilo sa sopstvenim granicama, dok su najmlađi mogli uživati u dječijoj trci sa preprekama.

Trka sa preprekama prikazuje sve ono što život nosi - izazove, uspone, padove, male i velike pobjede! Na svakoj prepreci takmičari su testirali svoju hrabrost i istrajnost, kao i brzinu donošenja odluka.

Potpredsjednik OK BiH, prof. dr Milanko Mučibabić se po završetku trke obratio prisutnima, izrazio zadovoljstvo velikom odzivu učesnika, čiji broj iz godine u godinu raste, te je najuspješnijim takmičarima u muškoj konkurenciji dodijelio medalje.

OK BiH upućuje čestitke na odličnoj organizaciji treće po redu “4Falcons” trke sa preprekama, uz poruku da će i dalje nastaviti podržavati događaje koji imaju za cilj promociju značaja zdravog života i bavljenja sportom.



KAMPANJA • GLAS SPORTISTA

...ZA RJEŠAVANJE SISTEMSKOG FINANSIRANJA VRHUNSKOG SPORTA BIH!

OK BiH je u maju mjesecu nastavio sa Kampanjom "Glas sportista" kojom promovira višegodišnju inicijativu o konačnom rješavanju sistemskog finansiranja vrhunskog sporta a Bosne i Hercegovine od strane nadležnih institucija BiH.

Nakon objavljenih video poruka vrhunskih sportista i olimpijaca video poruke je pogledalo više od pola miliona ljudi.

Nadamo se da su ove poruke pogledali i donosioci odluka za sistemsko finansiranje sporta, te da će poduzeti relevantne korake u skladu sa zahtjevima sa Okruglog stola OK BiH i porukama vrhunskih sportista.

Poslušajte poruke naših vrhunskih sportista klikom na fotografiju. Pitanje sistemskog finansiranja vrhunskog sporta će ostati aktuelno sve do njegovog konačnog rješenja.



Olimpijske igre • PARIZ 2024

BOSNU I HERCEGOVINU ĆE PREDSTAVLJATI 5 SPORTISTA U 3 SPORTA

BIH OLIMPIJSKI TIM
#ROADTOPARIS

Lana Pudar
plivanje - 100m & 200m delfin stil

OLYMPIC COMMITTEE OF BOSNIA AND HERZEGOVINA

PARIS 2024

SPONZORI OLIMPIJSKOG KOMITETA BOSNE I HERCEGOVINE

bh Moja priča. LUTRIJA Coca-Cola NUMBER? HIFA PETROL

Učešće na XXXIII ljetnim olimpijskim igrama koje se održavaju u Parizu od 26. jula do 11. avgusta, je izborilo pet bh. sportista u plivanju, džudou i atletici.

Nakon kvalifikacija Lane Pudar u plivanju, normu su ispunile i džudistkinje Larisa Cerić i Aleksandra Samardžić, te Mesud Pezer na osnovu pozicije na svjetskoj rang listi, te plivač Jovan Lekić na osnovu univerzalnog mjesta.

BIH OLIMPIJSKI TIM
#ROADTOPARIS

Larisa Cerić
judo +78 kg

Aleksandra Samardžić
judo -70 kg

OLYMPIC COMMITTEE OF BOSNIA AND HERZEGOVINA

PARIS 2024

SPONZORI OLIMPIJSKOG KOMITETA BOSNE I HERCEGOVINE

bh Moja priča. LUTRIJA Coca-Cola NUMBER? HIFA PETROL

BIH OLIMPIJSKI TIM
#ROADTOPARIS

Mesud Pezer
atletika - bacanje kugle

Jovan Lekić
plivanje - 400m slobodni stil

OLYMPIC COMMITTEE OF BOSNIA AND HERZEGOVINA

PARIS 2024

SPONZORI OLIMPIJSKOG KOMITETA BOSNE I HERCEGOVINE

bh Moja priča. LUTRIJA Coca-Cola NUMBER? HIFA PETROL

BiH Olimpijski tim će biti predstavljen na press konferenciji 19. 07. 2024. godine u prostorijama OK BiH uz prisustvo olimpijaca, sportskih radnika, sportskih saveza, medija i zvanica.

IZLOŽBA RADOVA „OI PARIZ 2024“ KROZ LIKOVNU KREACIJU DJEČAKA I DJEVOJČICA OSNOVNIH ŠKOLA U BOSNI I HERCEGOVINI



Bosna i Hercegovina i Sarajevo kao olimpijski grad stalno brinu o promociji olimpizma i olimpijskih vrijednosti, te utom duhu Olimpijski komitet BiH sa partnerima Olimpijskim muzejom u Sarajevu i Francuskom ambasadam u BiH, pokrenuo je projekat pod nazivom „OI Pariz 2024 kroz likovnu kreaciju dječaka i djevojčica osnovnih škola u BiH“.

Olimpijski komitet BiH pored priprema sportista/olimpijaca za Olimpijske igre želi da afirmiše Olimpijske igre u Parizu 2024 i da pobudi kreativni potencijal mladih u Bosni i Hercegovini.

U prelijepom ambijentu Olimpijskog muzeja u Sarajevu predsjednik Olimpijskog komiteta akademik prof. dr Izet Rađo i predstavnici Francuske ambasade u BiH poželili su dobrodošlicu malim umjetnicima, a bivši direktor Olimpijskog muzeja i predsjednik „Žirija odabira najboljih likovnih radova“ g-din Edin Numankadić je otvorio izložbu.

Učenici od 4 do 9 razreda Osnovnih škola: „Šejh Muhamed ef. Hadžijamaković“ Sarajevo, „Aleksa Šantić“ Sarajevo, „Vladislav Skarić“ Sarajevo, „Mirsad Prnjavorac“ Vogošća, „Edhem Mulabdić“ Sarajevo, „Alija Nametak“ Sarajevo, „Petar Petrović Njegoš“ Istočno Sarajevo, „Sveti Sava“ Istočno Sarajevo, „Zalik“ Mostar i „Petra Bakule“ Mostar, dostavili su ukupno 36 likovnih radova na temu „Viđenje bh. olimpijskog tima na Olimpijskim igrama Pariz 2024“.

Žiri u sastavu, predsjednik Edin Numankadić i članovi Suada Ramić i Eldin Hodžić odabrali su 3 pobjednička rada i to: Ada Vatreš, Petar Samardžić i Anđela Talić. Nagrađeni učenici su dobili prigodne poklone i certifikate za učešće. Također su i svi ostali autori radova dobili certifikat o učešću na ovom posebnom projektu za naše osnovce. Postavka izloženih radova je bila dostupna 10 dana u Olimpijskom muzeju.

Olimpijski komitet BiH je u sklopu projekta „OCEAN“ ovom prilikom podijelio majice svim učesnicima. Projekat „OCEAN“ ima za cilj podizanje svijesti o smanjenju uticaja klimatskih promjena i očuvanju okoline i zaštiti našeg jedinog doma, planete Zemlje.

ON LOCATION

OFICIJELNI PROGRAM GOSTOPRIMSTVA ZA OLIMPIJSKE IGRE PARIZ 2024



PRIVATE BOXES AT PARIS 2024

EXCLUSIVE HOSPITALITY. EXCLUSIVELY YOURS.

EXPERIENCE THE THRILL OF THE OLYMPIC GAMES FROM YOUR OWN PREMIER SUITE

VISA | | The Official Way to Play

„On Location“ je oficijelni i eskuzivni pružalac paketa usluga za Olimpijske i Paraolimpijske igre Pariz 2024 i dostupan je javnosti kroz posebno prilagođene usluge gostoprimstva za Olimpijske igre.

Ljubitelji sporta širom svijeta mogu pristupiti službenim paketima gostoprimstva Pariz 2024 po istoj cijeni bez obzira na to gdje se nalaze, sa paketima koji uključuju zagarantovane karte za sportska dešavanja i širok spektar dodatnih opcija uključujući hotele, prijevoz i jedinstvena iskustva gostoprimstva na mjestima takmičenja ili u srcu grada kako bi uživo iskusili uzbuđenje Olimpijskih igara.

Zvanični program gostoprimstva Pariz 2024 izgrađen je na tri ključna stuba i služi široj javnosti, korporacijama i zvaničnim interesnim stranama. Stvoreni da osiguraju najbolje iskustvo Olimpijskih igara u Parizu 2024., paketi gostoprimstva nude ljubiteljima sporta širom svijeta priliku da gledaju i dožive uzbuđenje Olimpijskih igara u izvanrednim paketima usluga po svačijoj mjeri.

Za informacije o uslugama posjetite link [OVDJE](#).

SPORTSKI SAVEZI BOSNE I HERCEGOVINE

EVROPSKO DŽUDO PRVENSTVO ZA VETERANE SARAJEVO 2024



Evropsko prvenstvo u džudou za veterane održano je u Areni Hotela Hills, čiji je tehnički organizator Džudo savez Bosne i Hercegovine, a radi se o takmičenju koje je u kalendaru Evropske džudo unije (EJU) označeno kao jedan od najbitnijih događaja u ovoj olimpijskoj 2024. godini.

Na Evropskom prvenstvu su učestvovali veterani i veteranke iz 36 zemalja širom Evrope, a u Arenu Hotela Hills ih je stiglo više od 800, od čega ih 31 predstavlja Bosnu i Hercegovinu. Pravo učešća na Evropskom prvenstvu za veterane imaju sve džudoke starije od 30 godina, ali pod uslovom da je od njihovog posljednjeg seniorskog nastupa prošla najmanje jedna godina.

Najbolji rezultat od takmičara iz BiH ostvarili su potpredsjednik Olimpijskog komiteta Bosne i Hercegovine prof. dr Milanko Mučibabić, te Dragan Božović koji su stigli do zlatnih medalja. Prof. dr Mučibabić je do zlatne medalje u kategoriji do 100 kg, stigao savladavši Poljaka Edwarda Spraskog, a Dragan Božović je osvojio zlato pobijedivši Hrvata Radeta Krnjetu.

Što se tiče drugih bh. takmičara, na korak do bronzane medalje bili su Elvir Salihagić i Mile Matijević, ali nažalost nisu uspjeli zauzeti svoje mjesto na postolju.

Nakon završetka borbi, u Areni Hotela Hills održan je i Kodokan kata seminar od 12. do 14. juna.

Više na linku [OVDJE](#).

ZLATNA MEDALJA NA EVROPSKOM JUDO PRVENSTVU ZA VETERANE POTPREDSJEDNIKA OK BIH PROF. DR MILANKA MUČIBABIĆA



Na Evropskom prvenstvu u džudou za veterane Sarajevo 2024, čiji je tehnički organizator Džudo savez Bosne i Hercegovine, potpredsjednik OK BiH prof. dr. Milanka Mučibabić je osvojio još jednu u nizu zlatnu medalju za Bosnu i Hercegovinu.

Osvojeno 1. mjesto potvrđuje kontinuitet vrhunskih rezultata Potpredsjednika OK BiH u ovoj kategoriji, a nosilac je 10 šampionskih odličja u veteranskoj selekciji - 5 svjetskih zlatnih i 5 evropskih zlatnih medalja.

Na Evropskom prvenstvu učestvuju veterani i veteranke iz 36 zemalja širom Evrope, a u Arenu hotela Hills ih je stiglo više od 800, od čega ih 31 predstavlja Bosnu i Hercegovinu.

Prof. dr. Mučibabić je nosilac majstorskog zvanja 9. DAN u džudou, što je najviše zvanje ovog olimpijskog sporta u Bosni i Hercegovini, ali i šire. Aktivno se bavi džudoom punih 60 godina kao sportista i sportski radnik. Na putu do 9. DAN-a majstorskog zvanja ostvario je izuzetne uspjehe kao takmičar, trener i sportski radnik.

Tokom zlatnog perioda sporta u bivšoj Jugoslaviji, osvojio je evropske i svjetske medalje kao takmičar i trener reprezentacije (1981, 1982, 1986. godine), a najtrofejniji je veteran džudo sporta Bosne i Hercegovine kao višestruki evropski i svjetski veteranski šampion (2010, 2013, 2016, 2017, 2019, 2022, 2023 i 2024. godine).


Potpredsjednik prof. dr. Mučibabić kao dugogodišnji istaknuti sportista i sportski radnik svojim aktivnostima je primjer mladima da sport nema granica.

O dugogodišnjim uspjesima i trajanju prof. dr. Milanka Mučibabića priču je objavila i Evropska džudo unija, a istu možete pročitati na [OVOM LINKU](#).

Čestitke!



BRONZANA MEDALJA ČASTI INTERNACIONALNE SANKAŠKE FEDERACIJE ZA SENADA OMANOVIĆA, PREDsjedNIK SANKAŠKOG SAVEZA BIH



Predsjednik Sankaškog saveza BiH, Senad Omanović odlikovan je bronzanom Medaljom časti odlukom Kongresa Internacionalne sankoške federacije za posvećenost i predanost u međunarodnom razvoju sankoškog sporta.

Ovo odlikovanje je još jedan pokazatelj velikog doprinosa koji je g. Omanović svojim radom pružio sankoškom sportu u Bosni i Hercegovini i cijelom svijetu. Čestitke!

VATERPOLO SPEKTAKL U TREBINJU

“Reprezentacija BiH u vaterpolu je u martu ove godine dobila historijsku šansu da bude domaćin kvalifikacija za U19 Evropsko prvenstvo, a nalazila se u Grupi A zajedno sa Francuskom, Češkom, Velikom Britanijom i Finskom.

Vaterpolo savez Bosne i Hercegovine s ponosom ističe uspješnu organizaciju kvalifikacija za U19 Evropsko prvenstvo u vaterpolu, događaja koji je organizovan na najvećem mogućem nivou. Treba istaći sjajnu atmosferu koja je Bosnu i Hercegovinu predstavila u najljepšem mogućem svjetlu.



Ovaj događaj je pokazao da sport nadilazi bilo kakve prepreke koje nas okružuju. Zahvaljujući izvanrednoj podršci publike u Trebinju, reprezentacija BiH je ostvarila svoje prve zvanične pobjede u historiji, označavajući time novi početak za vaterpolu u našoj zemlji. Organizacija ovog takmičenja je dovela našu zemlju u žižu javnosti evropskog i svjetskog vaterpola. Mi smo dokazali da Bosna i Hercegovina može biti primjer svima u sportu i zajedništvu. Zahvaljujemo se selektoru Stevanu Nonkoviću koji je prvi put uspio oformiti ovu reprezentaciju i u jako kratkom vremenskom periodu uspio napraviti ogroman napredak u igri i radu naše reprezentacije. Hvala svima na podršci koju ste pružili našoj reprezentaciji, posebno gradu Trebinju i bazenima Trebinje, a mi ćemo se truditi nastaviti da radimo u zajedništvu i jedinstvu i nižemo uspjehe.

Vaterpolo savez Bosne i Hercegovine je dokazao svojim radom da je došlo do ogromnih napredaka u proteklom periodu, a to je put kojim želimo da nastavimo da idemo”, saopštili su iz Vaterpolo saveza BiH.

BICIKLISTIČKI SAVEZ BOSNE I HERCEGOVINE BLIDINJE BIKE FESTIVAL



Udruga "HerzegovinaBike", u suradnji s Biciklističkim klubom Mostar, Biciklističkim savezom Bosne i Hercegovine i udrugom Visit Blidinje, ponovno organizira najveći biciklistički festival u Bosni i Hercegovini – Blidinje BIKE Festival. Prema organizatorima, upravo ova suradnja i zajednički rad različitih udruga i institucija doprinose

organizaciji događaja visoke kvalitete, čime festival već petu godinu zaredom dobiva najviše ocjene. Ambasador Festivala je Lejla Njemčević, najbolja bh. biciklistkinja koja ostvaruje izuzetne međunarodne rezultate te se nalazi u samom vrhu UCI MTB rang liste.

Blidinje BIKE Festival, najveći biciklistički festival u Bosni i Hercegovini će se održati od 12. do 14. jula u Parku prirode Blidinje. Ovaj trodnevni događaj osim MTB maratona sadržavat će i brojne druge outdoor aktivnosti, tu su događaji za cijele obitelji, a neće nedostajati ni dobre zabave u kasnim satima, jer i ove godine subota je planirana za noćni party! Ništa bolje od malo zagrijavanja pred nedeljnu utrku. Više o Festivalu pročitajte [OVDJE](#).

CHEERLEADING SAVEZ BOSNE I HERCEGOVINE TRADICIONALNA CHEERLEADING VEČER



Tradicionalna Cheerleading večer Hrvatskog cheerleading kluba Široki održana je u nedjelju 23.06.2024. navečer u parku Sajmište u Širokom Brijegu.

Ovo je posebna večer za klub iz Širokog Brijega koji slavi 15 godina djelovanja, a uz njih slavi i cheerleading sport Bosne i Hercegovine, jer upravo otvaranjem kluba u Širokom Brijegu pokrenut je ovaj sport u Bosni i Hercegovini.

Publika je i ove godine uživala u raznim akrobacijama i plesnim izvedbama cheerleading, ali i mažoret klubova Bosne i Hercegovine. Nije nedostajalo ni uzbuđenja jer su se održala četiri cheerleading izazova. Uz natjecanja, dodijeljene su i posebne nagrade za najaktivnije članove, a sama večer započela je nastupom cheerleading ekipa s poteškoćama u razvoju.

BH • TEAM

EVROPSKO PRVENSTVO BEOGRAD 2024

LANA PUDAR SREBRENA U DISCIPLINI 200 METARA DELFIN



Olimpijka Lana Pudar osvojila je srebrnu medalju na Evropskom prvenstvu u Beogradu u disciplini 200 metara delfin. Lana je završila utrku s vremenom 2:08.15, samo 27 stotinki iza pobjednice.

Lana se takođe takmičila i u disciplini 100 metara delfin gdje je u finalu isplivala vrijeme 59.01.

Našu najbolju plivačicu očekuje nastup na Olimpijskim igrama Pariz 2024 gdje će se takmičiti u disciplinama 100 i 200 metara delfin.

IMAN AVDIĆ 8. MJESTO NA EVROPSKOM PRVENSTVU



Na Evropskom prvenstvu u Beogradu značajan rezultat postigla je i mlada talentovana plivačica Iman Avdić koja je u izuzetno napornoj disciplini 400 metara slobodno, završila utrku na 8. mjestu, sa vremenom 4:21.95, što je njen najbolji rezultat u dosadašnjoj karijeri.

Avdić je na prvenstvu Evrope u Beogradu postavila i rekord Bosne i Hercegovine u utrci na 200 metara mješovitim stilom, kada je zabilježila vrijeme 2:19.73 sekundi.

ANES BOSTANDŽIĆ OSVOJIO BRONZANU MEDALJU NA EVROPSKOM PRVENSTVU



Na Evropskom prvenstvu u karateu za seniore u kategoriji +84 kg, koje je održano u Zadru (Hrvatska) od 08.05. do 12.05.2024. godine, bh. predstavnik Anes Bostandžić je osvojio bronzanu medalju.

Nakon eliminacionih borbi u kojim je Bostandžić pobijedio predstavnike Albanije, Belgije i Azerbejdžana, svoj dalji put je nastavio kroz polufinale. U polufinalnoj borbi Anes je zaustavljen od domaćeg predstavnika Anđela Kvesića tijesnim rezultatom 1:2.

U borbi za bronzanu medalju, Bostandžić je pobijedio predstavnika Turske rezultatom 4:0. Bosnu i Hercegovinu su na ovom prvenstvu predstavljala 22 reprezentativaca u katama i borbama. Ovim povodom

Karate savez BiH je održao press konferenciju u prostorijama Olimpijskog komiteta BiH o čemu možete pročitati na [OVOM LINKU](#).

TRI MEDALJE ZA BIH TAEKWONDO NA EVROPSKOM PRVENSTVU



Taekwondo reprezentativci BiH, Džeja Makaš, Nedžad Husić i Ada Avdagić osvojili tri medalje na Evropskom prvenstvu u Beogradu.

Džeja Makaš je u izvanrednom nastupu osvojila srebrnu medalju i postala viceprvakinja Evrope, što je njen najbolji rezultat u karijeri. Makaš je bila bolja od predstavnica Italije, Grčke i Velike Britanije, a u finalu je do zlatne medalje zaustavila predstavnica Hrvatske.



Reprezentativac i olimpijac BiH, Nedžad Husić osvojio je bronzanu medalju. Husić je porazio rivale iz Azerbejdžana i Španije, ali ni on nije imao sreće s hrvatskim predstavnikom u borbi za finale.

Treću bronzanu medalju osvojila je reprezentativka Ada Avdagić koja je na putu do medalje ostvarila pobjede nad predstavnicama Hrvatske (2:0) i Kipra (2:0), dok je od predstavnice Turske pobijeđena rezultatom 1:2.



Taekwondo savez BiH je ovim povodom održao press konferenciju u prostorijama Olimpijskog komiteta BiH, tokom koje su istakli značaj osvajanja medalja kao i velike napore koje Taekwondo savez BiH radi kako bi unaprijedio olimpijski sport, ulaganja u mlade i perspektivne sportiste, sa željom da u najboljem svjetlu promovišu našu državu. Više na linku [OVDJE](#). Čestitke!



BIH REPREZENTATIVAC SEAD KOLAŠINAC SA "ATALANTOM" OSVOJIO UEFA EVROPSKU LIGU



Bh. fudbalski reprezentativac Sead Kolašinac je ostvario historijski uspjeh sa svojim fudbalskim timom "Atalanta".

U finalu Evropske lige "Atalanta" je pobijedila do sada nepobjedivu ekipu Bayer Leverkusena rezultatom 3:0 i tako su osvojili prvi evropski trofej u historiji.

Bh. reprezentativac je tako postao prvi fudbaler iz naše zemlje nakon Elvira Rahimića 2005. godine koji je podigao ovaj evropski trofej.

REPREZENTACIJA BIH U SJEDEĆOJ ODBOJCI OSVOJILA PRVO MJESTO U ZLATNOJ LIGI NACIJA

Reprezentacija Bosne i Hercegovine u sjedećoj odbojci, sjajnim nastupom i pobjedom nad reprezentacijom Ukrajine rezultatom 3:1, osvojila je naslov prvaka Zlatne lige nacija. Bh. tim je u pet utakmica izgubio samo jedan set, a slavili su u mečevima protiv Hrvatske (3:0), Srbije (3:0) te Poljske (3:0). U velikom derbiju polufinala, reprezentativci BiH u sjedećoj odbojci su bili bolji od reprezentacije Njemačke koju su pobijedili rezultatom 3:0.

Ovim nastupom bh. paraolimpijci su odbranili naslov najbolje ekipe u takmičenju koje su osvojili po četvrti put. Turnir u Sarajevu je pokazao da su bh. paraolimpijci spremni za Paraolimpijske igre koje se održavaju ove godine u Parizu. Čestitke igračima, trenerima, kompletном timu sjedeće odbojke i Paraolimpijskog komiteta BiH. Sretno u Parizu!



LEJLA NJEMČEVIĆ OSVOJILA UTRKU SVJETSKOG KUPA!



Najbolja bh. biciklistkinja Lejla Njemčević imala je maestralan nastup na Svjetskom kupu u Francuskoj, gdje je upisala jednu od najubjedljivijih pobjeda.

Utrka je održana na stazi dugoj 100 kilometara i s visinskim usponom od 5.000 metara te se smatra najtežom u Svjetskoj seriji. Njemčević je utrku kompletirala s vremenom od 6 sati i 40 minuta, a drugoplasiranu Amerikanku Hannah Reu Otto je iza sebe ostavila 13 minuta i 33 sekunde.

Treće mjesto je zauzela Vera Losser, koja je imala zaostatak za Lejlom od 16 minuta 32 sekunde.

“Jako sam sretna što sam osvojila prvo mjesto na najtežoj utrci Svjetskog kupa koja je ikada vožena, sa 100 kilometara dužine i

5.000 metara uspona. Sada ću nositi majicu lidera Svjetske maraton serije i iznimno sam sretna što sam uspjela da predstavim BiH na najbolji način na najvećem takmičenju u brdskom biciklizmu”, izjavila je Njemčević nakon utrke.

Njemčević je sada vodeća u WHOOP UCI Mountain Bike World Seriesu s 450 osvojenih bodova. Naredna utrka za našu takmičarku je Balkansko prvenstvo na Blidinju, što će ujedno biti i posljednja priprema pred Evropsko prvenstvo koje se održava u Danskoj sredinom augusta. Izvor: [Klix.ba](https://www.klix.ba)

Lejla je ranije u maju mjesecu osvojila 2. mjesto na Svjetskom kupu u maratonu u Novo Mesto na Morave na jednoj od najuzbudljivijih utrka na Svjetskim kupovima posljednjih godina.

VEDAD KARIĆ 2. MJESTO NA “TOUR OF ALBANIA”



Bh. biciklista Vedad Karić na UCI 2.2 biciklističkoj utrci “Tour of Albania” ostvario visoko 2. mjesto u generalnom plasmanu i tako osvojio 30 UCI bodova. “Tour of Albania” je dio kalendara “Europe Tour-a” i na istoj utrci učestvovali su takmičari iz 18 zemalja. Vedad je uz osvojeno 2. mjesto u generalnom plasmanu, upisao i 3. mjesto na 4. “kraljevskoj” etapi što predstavlja jedan od najboljih rezultata novije historije za drumski biciklizam Bosne i Hercegovine.

RAGBI REPREZENTACIJA BIH NASTUPILA NA TURNIRU U GRACU



Bh. reprezentativci u ragbiju su nastupili u Gracu (Austrija) na pripremnom turniru u olimpijskoj disciplini Ragbi 7.

Na turniru su nastupile nacionalne selekcije Austrije, Slovenije, Bosne i Hercegovine i kombinovana ekipa Austrije 2.

BiH selekcija je ostvarila dvije pobjede i dva poraza. U polufinalnom meču protiv selekcije Slovenije ostvarili su pobjedu od 26:7 dok je u meču sa Austrijom rezultat bio 21:10 u korist Austrije.

U junu mjesecu reprezentacija je nastupila na Evropskom prvenstvu konferencije 2 te je u konačnom plasmanu zauzela 7. mjesto.

CHEERLEADING REPREZENTACIJA BOSNE I HERCEGOVINE NASTUPILA NA EUROPSKOM CHEERLEADING PRVENSTVU



Cheerleading reprezentacija BiH nastupila je na Evropskom cheerleading prvenstvu koje se održalo od 28.06. do 30.06. u Norveškoj. Za reprezentaciju su nastupali sportaši i treneri iz Širokog Brijega, Čitluka, Sarajeva, Gruda, Zenice i Ljubuškog.

“Bosna i Hercegovina se natjecala u pred juniorskom uzrastu i osvojila 6. mjesto. Ovo je drugi put uopće da Bosna i Hercegovina nastupa na Evropskom prvenstvu. Ovo je za nas još uvijek sve novo, pokušavamo u svemu pratiti nekako korak s Europom i drago nam je što smo dio ovako velikog događaja. Bilo je prelijepo, upoznali smo puno novih ljudi, družili se, posjetili smo i najstariji grad u Norveškoj Tonsberg. Plan je i dalje truditi se i ulagati u sport, uvjete rada i obučavati nove trenere jer nažalost u Bosni i Hercegovini ih imamo jako malo”, izjavili su iz Cheerleading saveza BiH.

Na Evropskom prvenstvu u Norveškoj sudjelovale su 23 zemlje sa 3850 sportaša koje je pratio veliki broj gledatelja, kako na samom natjecanju uživo tako i preko Olimpijskog kanala. Cheerleading sport raste u cijelom svijetu što se najviše ogleda u sve većem broju sportaša i sportašica na svim natjecanjima. Naredne, 2025. godine cheerleading će se naći i na Svjetskim igrama u Kini.

REPREZENTACIJA BOSNE I HERCEGOVINE PRVI PUT NA EVROPSKOM PRVENSTVU U KARLINGU C DIVIZIJE



Karling reprezentacija Bosne i Hercegovine je učestvovala na Evropskom prvenstvu C divizije u Škotskoj. Na takmičenju je učestvovalo osam reprezentacija. Članovi BiH reprezentacije bili su Mak Dorić (skip), Vladan Savić (vice-skip), Bojan Mačar, Igor Marković i Slavenko Ignjić.

“Naš nastup na Evropskom prvenstvu u karlingu C divizije možemo ocijeniti kao veoma uspješan, posebno s obzirom na činjenicu da je ovo bio naš prvi nastup na evropskoj sceni. Iako nismo ostvarili pobjede, stekli smo neprocjenjivo iskustvo koje će nam biti od velike koristi u budućnosti. Tokom turnira, ekipa je uspjela da osvoji 21 end, dok su 23 izgubili, što pokazuje da su u mnogim trenucima igrali odlično. Prvi nastup BiH reprezentacije na Evropskom prvenstvu u karlingu C divizije bio je veoma značajan korak za naš Savez. Pokazali smo da možemo da se takmičimo sa iskusnijim ekipama i stekli smo vrijedne

lekcije koje će nam pomoći u daljem razvoju. Nastavićemo da radimo na unapređenju naših vještina i iskustva, sa ciljem da u budućnosti ostvarimo još bolje rezultate”, istakli su iz Karling saveza BiH.

LJUBLJANA OPEN 2024 & BALKAN JUNIOR KARLING KAMP



Karling reprezentacija BiH je već četvrti put za redom učestvovala na Međunarodnom karling turniru Ljubljana Open 2024. Na turniru su učestvovala 34 tima koji se sastoje od igrača iz više od 14 zemalja.

Reprezentacija Bosne i Hercegovine je imala tri ekipe i ostvarile su zapažen rezultat.

BiH juniorski tim je učestvovao na 1. Balkan junior karling kampu u Ljubljani. Ovaj trening kamp imao je za cilj podsticanje drugarstva i razvoj vještina među sportistima iz različitih zemalja regiona.

Tokom tri dana, učesnici su imali priliku da treniraju na odlično pripremljenom ledu, u ledenoj dvorani “Zalog”, a program kampa se sastojao od teorijskog i praktičnog dijela.

Kroz teorijski dio, predstavljena je istorija sporta, pravila, discipline, primjeri dobre igre i priče karling igrača koji su mladima prenijeli svoja iskustva. Praktični dio kampa je bio izuzetno koristan za sve učesnike. Mnogo se radilo na poboljšanju tehnike, kroz individualno prilagođeni rad.

Kamp je unaprijedio sposobnosti svakog učesnika i doprinio promociji karling sporta u regionu.



ODRŽAN 1. EVROPSKI KUP ZA DJECU SA POTEŠKOĆAMA U RAZVOJU BH. TAKMIČARI OSVOJILI PET MEDALJA

Evropska džudo unija je u Velikoj Gorici uz tehničku podršku Džudo kluba "Fuji", organizovala prvi Evropski kup za djecu s poteškoćama u razvoju.

Na Evropskom kupu nastupilo je preko 140 takmičara iz 14 zemalja (Poljska, Slovačka, Bosna i Hercegovina, Hrvatska, Mađarska, Rumunija, Izrael, Slovenija, Srbija, Austrija, Velika Britanija, Italija, Bugarska i Francuska).

Ispred Džudo saveza Bosne i Hercegovine nastupili su takmičari iz JK "Borac" Banja Luka i JK "Borsa" Mostar, a njih pet je ostvarilo historijske rezultate za Bosnu i Hercegovinu, osvojivši zlatnu, dvije srebrne i dvije bronzane medalje.

Medalje su osvojili:

Kristijan Suručić - JK "Borac" - Zlatna medalja
Kenan Smailagić - JK "Borac" - Srebrna medalja
Filip Balaban - JK "Borac" - Srebrna medalja
Milan Mitrić - JK "Borac" - Bronzana medalja
Josip Marić - JK "Borsa" - Bronzana medalja

Čestitamo na ostvarenim rezultatima.



EU PROJEKTI

“OLYMPIC KIDS” PROJEKAT U KOLIJEVCI OLIMPIJADE - ATINA



U sklopu Erasmus+ projekta “Olympic kids” kojeg finansira Evropska komisija, bh. tim je boravio u Atini (Grčka) u periodu od 09 - 12.05.2024. godine.

Naš tim djece u pratnji trenera i OK BiH tima se zajedno sa timovima iz Moldavije, Slovenije, Italije, Španije i Grčke takmičio u različitim atletskim disciplinama.

Evropski projekat „OLYMPIC KIDS” je projekat koji je fokusiran na set aktivnosti koji će djeci omogućiti učešće u sportu kako bi dopinijeli njihovom kvalitetnom rastu i razvoju, koristeći atletiku kao glavni alat, sticanje samopouzdanja kroz bavljenje sportom i edukaciju o važnosti olimpijskih vrijednosti, što će ih u konačnici uvesti u svijet olimpizma.



EU PROJEKTI

SPORTSKIM VRIJEDNOSTIMA OSNAŽUJEMO DRUŠTVO – ZAJEDNO



“With sport values, we strengthen society - together”



“With sport values,
we strengthen
society - together”

www.engso-education.eu/sports-as-value/



“With sport values, we strengthen society - together”



Olimpijski komitet Bosne i Hercegovine je bio domaćin zajedničke akcije u sklopu Erasmus+ projekta Sports as Value koji ima za cilj integraciju pozitivnih vrijednosti u sportsku praksu i izgradnju jače zajednice kroz sport i promicanje EU vrijednosti, 30 maja 2024. godine.

U sklopu EU projekta Sports as Value smo zajedno sa partnerima iz Crnogorskog olimpijskog komiteta implementirali zajedničku akciju, Olympic Day.

Na Olympic Day-u prisustvovalo je preko 100 djece, koja su se okušala u 9 sportova, i to u: košarci, rukometu, karateu, fudbalu,

odbojci, golfu, streljaštvu, stonom tenisu i badmintonu.

Treneri su djeci približili osnovne olimpijske i sportske vrijednosti: izvrsnost, prijateljstvo, poštovanje, solidarnost, inkluziju, fair play, zabavu, toleranciju, jednakost, timski rad, slobodu, edukacija.

Ovaj događaj doprinosi podizanju svijesti o važnosti sportskih vrijednosti i njihovom integrisanju, odnosno povećanju kapaciteta uključenih sudionika i podržavanju osjećaja saradnje i zajedništva kao temeljnih premisa za daljnje saradnje.

Zahvaljujemo se Predsjedniku i Generalnom sekretaru Crnogorskog olimpijskog komiteta na zaista uspješnoj implementiranoj zajedničkoj akciji te promidžbi olimpijskih i sportskih vrijednosti.

SPORTSKIM VRIJEDNOSTIMA OSNAŽUJEMO DRUŠTVO – ZAJEDNO


Predstavnici partnerskih organizacija iz zemalja Zapadnog Balkana i Evropske unije, bili su gosti Crnogorskog olimpijskog komiteta od 22. do 24. juna. Posjeta Crnoj Gori organizovana je u okviru projekta “Sport kao vrijednost”, koji je podržan kroz Erasmus+ program Evropske unije.

Inicijativa ima za cilj promociju pozitivnih vrijednosti kroz amaterski sport i jačanje društva. Projekat se fokusira na pet osnovnih vrijednosti: inkluziju, jednakost, integritet, poštovanje i fer plej. Tokom posjete, organizovan je sastanak na kojem je 19 predstavnika iz 7 organizacija (ENGSO, OPES; EAS; ESP; OK BIH; COK; Albanski olimpijski komitet, Olimpijski komitet Kosova), razgovaralo o napretku projekta i budućim aktivnostima, uključujući i organizaciju završne konferencije u novembru ove godine.

Organizovane su i zajedničke aktivnosti, tokom proslave Olimpijskog dana, uključujući i “Klub prijateljstva” za najmlađe posjetioce. Preko 200 djece je kroz razne sportske aktivnosti upoznato sa osnovnim vrijednostima. Sports as Value je Erasmus+ projekt izgradnje kapaciteta u području sporta u kojem su se zemlje Zapadnog Balkana i EU udružile radi zajedničkog cilja: integracije pozitivnih vrijednosti u sportsku praksu i izgradnje jače zajednice kroz sport i promicanje EU vrijednosti.



PREDSTAVLJENI REZULTATI REGISTRA O BROJU ŽENA NA KLJUČNIM POZICIJAMA U SKLOPU EU PROJEKTA WOMEN4SPORT



U sklopu Erasmus+ projekta Women4Sport koji generalno podstiče rodnu ravnopravnost u rukovodstvu i donošenju odluka u top menadžementu Nacionalnih olimpijskih komiteta u zemaljama Zapadnog Balkana promovišući strukturne promjene u upravljanju, poboljšanju razumijevanja postojećih kulturnih barijera i ohrabrujući NOK-ove da rade sa svojim savezima na stvaranju održivih promjena, održan hibridni sastanak.

Na hibridnom događaju predstavljen je rezultat registra o broju žena na ključnim pozicijama u sportskim organizacijama, a na kojem je učestvovalo 50 predstavnika olimpijskih komiteta i sportskih organizacija.

Sportske organizacije igraju ključnu ulogu u oblikovanju sportske kulture i promicanje jednakosti u sportu. Međutim, u mnogim organizacijama, žene su nedovoljno zastupljene u upravnim organima te na odlučujućim pozicijama.

Ovaj registar predstavlja realnu sliku stanja o broju žena na ključnim pozicijama u sportskim organizacijama te omogućava praćenje napretka u budućnosti.

Zahvaljujemo se nosiocu aktivnosti Verlab Institute na kreiranju registra koji omogućuje Olimpijskim komitetima da rade sa svojim savezima na osnaživanju žena da se prijavljuju na ključne pozicije u sportskim organizacijama.

Više na linku [OVDJE](#).


OK BIH NA EDUKACIJI PISANJA EU PROJEKATA



U organizaciji EOC EU kancelarije, predstavnici OK BiH su prisustvovali na internoj obuci o EU projektima, održanoj u Briselu od 18. do 20. juna. Tokom dvodnevne edukacije predstavljeni su svi segmenti pisanja projekata - od ideje, tehničkih detalja do budžetiranja. Također, podijeljeno je više informacija o prioritetima EU u pogledu finansiranja EU projekata. U ovoj edukaciji učestvovalo je 7 olimpijskih komiteta te 3 međunarodne sportske federacije.

Edukatori na dvodnevnom treningu bili su predstavnici EOC EU kancelarije, Folker Helmund, Carlotta Giussani i Eva Rebmann, Sara Massini, generalna sekretarka ENGSO-a, te Vuk Karanović iz CEV-a. Posljedni dan edukacije, online su se pridružili i polaznici prošlogodišnje edukacije Polona Samec iz Olimpijskog komiteta Slovenije i Maja Poljak iz Hrvatskog olimpijskog odbora.





INTERVJU SA...

LANOM PUDAR

OK BiH: *Prije svega, čestitke na još jednoj evropskoj medalji koju si osvojila na nedavno održanom Evropskom prvenstvu u Beogradu. Koliko je bilo zahtjevno nastupati na ovom šampionatu mjesec dana prije Olimpijskih igara?*

LANA PUDAR: Hvala vam prije svega na čestitkama. Pa bilo je poprilično teško, jer sam u Beograd došla direktno sa visinskih priprema u Španiji. Naročito jer sam sa nekih 10 stepeni, odjednom došla u uslove gdje je tih dana u Beogradu bilo preko 40 stepeni. Plan je bio da odradim ovo prvenstvo iz punog treninga, tako da sam zadovoljna nastupom i drago mi je da sam nastavila kontinuitet osvajanja medalja na velikim takmičenjima.



OK BiH: *Olimpijske igre Pariz 2024 će biti tvoje druge olimpijske igre. Smatraš li da će iskustvo iz Tokija imati veliki značaj za predstojeće nastupe na Ol iako je održano u uslovima pandemije?*

LP: Mislim da će sada biti sve drugačije i da će biti potpuno drugi osjećaj nastupa i učešća na Ol, nego li je bio u Tokiju. Jer u Tokiju je sve bilo čudno, s obzirom na pandemijske mjere koje su tada bile na snazi i iskreno, nije bio baš potpun osjećaj i doživljaj veličine Ol. A tada sam imala i svega 15 godina i sve sam to doživila tako da mi je tada sve to bilo pomalo previše. Sada jedva čekam nastup u Parizu i radujem se svemu što Ol nose sa sobom.

OK BiH: *Znamo da je tvoj raspored trenažnog procesa, trening kampova i takmičenja izuzetno dinamičan. Da li imaš slobodno vrijeme za aktivnosti koje te opuštaju i u kojoj najviše uživaš?*

LP: Tempo je vrlo žestok i naporan, ali to mora tako da bude jer koliko god da je teško doći do vrhunskog nivoa rezultata, još teže ga je održati. Slobodno vrijeme koristim da budem što više sa svojom porodicom i prijateljima i to je nešto što me najviše opušta i odmara kada nisam na pripremama i kampovima.

OK BiH: *Šta je tebi lično najljepši segment života vrhunske sportistkinje?*



LP: Na početku moje karijere najljepši segment su mi bila putovanja i upoznavanja novih ljudi i kultura. Još uvijek mi je to nešto u čemu uživam, ali sada najviše uživam u tome da svakodnevno pokušavam da pomjeram svoje granice i da budem što bolja u ovome što radim.

OK BiH: *Sigurni smo da će svi građani Bosne i Hercegovine pratiti tvoje nastupe na OI Pariz 2024, koja je tvoja poruka njima?*

LP: Ja sam jako ponosna na podršku koju imam od naših ljudi u domovini i dijaspori. To je nešto što mi daje ogroman motiv i veliki vjetar u leđa kada mi je teško. Hvala svima od srca na velikoj podršci koju osjećam i dat ću sve od sebe da vas nastavim činiti radosnim i ponosnim.



ZAVIRITE U DRUŠTVENE MREŽE OK BiH (klikom na sliku)



Pratite nas na društvenim mrežama:
(klikom na ikone)



©2024. Olimpijski komitet Bosne i Hercegovine.
Sva prava zadržana.
www.okbih.ba

Specijalnu zahvalnost dugujemo sponzorima i partnerima OK BiH.
Klikom na logo posjetite njihove oficijelne stranice.



Moja priča.



IN MEMORIAM

ELVEDIN BEGIĆ, član Izvršnog komiteta Olimpijskog komiteta Bosne i Hercegovine

IN MEMORIAM

Elvedin Begić
1960 - 2024



Sa velikom tugom primili smo vijest o preranoj smrti istaknutog sportskog radnika, člana Izvršnog komiteta Olimpijskog komiteta BiH i dugogodišnjeg predsjednika Nogometnog/Fudbalskog saveza BiH, Elvedina Begića.

Elvedin Begić je svojim angažmanom kao član Izvršnog komiteta Olimpijskog komiteta BiH, dao veliki doprinos kvalitetnom radu organa i tijela Olimpijskog komiteta BiH, te unapređenju sporta i sportskog sistema Bosne i Hercegovine.

Elvedin Begić je rođen 24. oktobra 1960. u Sarajevu. Diplomirao je na Fakultetu za saobraćaj u Sarajevu.

Od 1979. godine aktivno je bio uključen u rad FK "Butmir" u kojem je od 1996. do 2004. obavljao funkciju predsjednika, a kasnije bio član uprave kluba.

Kao izuzetan i cijenjen sportski radnik dao je nemjerljivi doprinos razvoju sporta u BiH, a posebno u nogometu gdje je i bio najviše angažovan.

Begić je u svojoj sportskoj karijeri bio i delegat u Skupštini FSKS, član Predsjedništva FSKS, član Komiteta za normalizaciju NS/FS BiH, a obavljao je i funkciju prvog potpredsjednika UEFA komiteta za stadione i bezbjednost.

Za vrijeme njegovog prvog mandata u Nogometnom/Fudbalskom savezu BiH, fudbalska reprezentacija BiH je uspjela izboriti plasman i učešće na jedinom velikom takmičenju do sada, Svjetskom prvenstvu u Brazilu 2014. godine.

Olimpijski komitet Bosne i Hercegovine još jednom upućuje izraze iskrenog saučešća porodici, prijateljima, Nogometnom/Fudbalskom savezu BiH i sportskoj javnosti u Bosni i Hercegovini na gubitku istaknutog čovjeka i sportskog radnika.